

TEZAU LITURGIC


19 IUNIE

**ACATISTUL
SF. IERARH
IOAN
MAXIMOVICI,
ARHIEPISCOPUL
SAN FRANCISCO**

I



MOSCOVA, 2000



Акафист Святителю Иоанну Шанхайскому и Сан- Францисскому Чудотворцу

Кондак 1

Избранный Чудотворче и изрядный Угодниче Христов, всему миру источай многоценное миро вдохновение и чудес неисчерпаемое обилие. Восхваляем тя с любовью и да зовем ти: Радуйся, святителю отче наш Иоанне, последних времён Чудотворче!

Икос 1

Ангела образом яви Тебе в последняя времена всея твари Создатель с милостию Божией пецыся о людях земных. Взирая на добродетели Твоя, Преплаженне Иоанне, вопием ти сице:

Радуйся, с ранняго детства благочестием украшенный!

Радуйся, со страхом и трепетом волю Божию исполняющий!

Радуйся, являющий благодать Божию в тайных благодеяниях!

Радуйся, быстрое далече сущих страждущих
услышание!

Радуйся, любвеобильное поспешение ближним
своим во спасение!

Радуйся, радование всем с верою к Тебе
припадающим!

Радуйся, святителю отче наш Иоанне, последних
времен Чудотворче!

Кондак 2

Видяще обильное добродетелей твоих излияние,
Святителю славный Иоанне, яко живоносный
источник чудес Божиих напояеши нас, верно
вопиющих к Богу: Аллилуия!

Икос 2

Разум, преисполненный любви, якоже и
богословия, Богомудре Иоанне, и богознанием
умудренный и к страждущим людям любовью
украшенный, познавати нас Истинного Бога
научи, яко и мы во умилении да вопием ти:

Радуйся, непоколебимая твердыня Истины
Православия!

Радуйся, драгоценный сосуд даров Духа
Святаго!

Радуйся, честный обличитель неверия и лжеучения!

Радуйся ревностный исполнитель заповедей Божиих!

Радуйся, подвижнике недремлющий, не дающий себе отдохновения!

Радуйся, возлюбленный пастырю стада Христова!

Радуйся, Святителю отче наш Иоанне, последних времен Чудотворче!

Кондак 3

Силою благодати Божией благой сиропитатель и наставниче юношам явился еси, воспитая в страхе Божиим и приуготовляя их к служению Богу. Сего ради чада Твоя взирают на тя и благодаряще вопиют Богу: Аллилуия!

Икос 3

Имеяше воистину, отче Иоанне, с небесе песнь Тебе воспеваему быти, а не от земли: како бо кто от человек возможет твоих дел величие проповедати. Мы же, принося Богу яже имамы, вопием ти сице:

Радуйся, непрестанной молитвою покрывающий чада Твоя!

Радуйся, охранитель стада твоего Крестным знаменем!

Радуйся, любви великой вместилище, не взирающий на различия языков!

Радуйся, светильниче всесветлый и вселюбимый!

Радуйся, образе кротости духовныя!

Радуйся, сладостей духовных подателю нуждающимся!

Радуйся, святителю отче наш Иоанне, последних времен Чудотворче!

Кондак 4

Бурею духовною одолеваемы: како достойно есть хвалити чудеса Твоя, Блаженне Иоанне. Яко прошел еси до конец вселенныя спасения ради и благовествования Евангелия сущим во тьме. Благодаряще Бога за апостольския труды Твои, мы воспеваем Ему: Аллилуия!

Искос 4

Слышаша ближние и дальние величие чудес твоих, Божией милостию даже до нашего времени являемых. В Тебе Богу прославляющемуся мы дивящиеся и в страхе вопием:

Радуйся, просветитель сущих во тьме неверия!

Радуйся, приведший людей твоих с Востока дальняго до Запада!

Радуйся, источниче чудес изливаемый Богом!

Радуйся, с любовью вразумляющий заблудших!

Радуйся, скорый утешитель кающихся во гресех своих!

Радуйся, опора грядущих путем правым!

Радуйся, Святителю отче наш Иоанне, последних времен чудотворче!

Кондак 5

Боготечный свет явился еси, бури всех лютых разгоняющий, сущий на острове от вихрей смертоносных молитвами твоими охраняяй, Святителю Иоанне, и Крестным знамением ограждаяй. Научи и нас, призывающих тя в помощь, Чудотворче Святой, к Богу с дерзновением взывати: Аллилуия!

Икос 5

Видевше многую помощь твою в напастех и обстояниях, Преблаженне отче Иоанне, дерзновенный бо ходатай перед Престолом Божии и скорый в бедах помощниче еси. Того

ради и мы на твое покровительство пред Богом
уповаем и вопием ти:

Радуйся, стихий опасных прогонителю!

Радуйся, молитвою твоею от нужд избавляющий!

Радуйся, голодающим хлеба присный подателю!

Радуйся, приуготовляяй просящим изобилие!

Радуйся, утешителю в скорбех сущих!

Радуйся, многих падших от погибели
исхитивший!

Радуйся, Святителю отче наш Иоанне,
последних времен Чудотворче!

Кондак 6

Проповедующий яко новый Моисей гугнивый
явился еси, изводя люди Твоя из плена рабства,
Преблаженне Иоанне. Избави и нас от рабства
греховнаго и врагов Божияго спасения, якоже и
мы вопием к Богу: Аллилуия!

Икос 6

Возсия молитвою твоею, совершил еси
неисполнимое, о, добрый Пастырю, и склонил
власти мирские сострадати о людях твоих. Того
ради с ними и мы благодарственно вопием ти:

Радуйся, усердно ты призывающим верно помогающий!

Радуйся, избавляющий от несправедного убийства!

Радуйся, сохраняющий от клеветы и злословия!

Радуйся, обороняющий невинных от уз!

Радуйся, отразитель от нападения нечестивых!

Радуйся, помрачителю лжи и проявителю истины!

Радуйся, Святителю отче наш Иоанне, последних времен Чудотворче!

Кондак 7

Хотя пламенно прославить Святых Запада, отпавшего от истины, возстановил еси почитание их в Церкви Православной, о любителю преподобных Востока и Запада. Днесь с ними на небеси моли Бога о нас, поющих на земли к Богу: Аллилуиа!

Икос 7

Новаго видеша ты избранника Божьяго иже вкупе со святителями древней Галлии, Ты явился еси в последние времена яко един от сих, вдохновляя паству твою соблюдатьи

Православную веру яко же сии на Западе исповедаху. Сохрани и нас в вере сей пребывати, вопиющих ти:

Радуйся, новый Мартыне в воздержании, подвигах и чудесах твоих!

Радуйся, новый Германе в исповедании твоём Православной Веры!

Радуйся, новый Иларии в Божественном богословии!

Радуйся, новый Григорие, в почитании и прославлении угодников Божиих!

Радуйся, новый Фавсте Твоею нежною любовью и усердием иноческим!

Радуйся, новый Цесарий в твердой любви Правилам Церкви Божией!

Радуйся, святой отче наш Иоанне, последних времен Чудотворче!

Кондак 8

Страшное чудо видехом к концу земного жития твоего, страстотерпче святой Иоанне, возведен был еси в Новый Свет, проповедаше там Христианство древнее и приял еси гонение ради праведности твоей, душу твою приготавлиая Царства Небесного ради. Удивляясь ныне

терпению и многостраданию Твоему, благодарно
вопием к Богу: Аллилуия!

Икос 8

Весь еси был делателю винограда Христова,
Богоносне отче, не ведал еси покоя ни до конца
многотрудного живота твоего, помози и нам
недостойным в деланиях наших, будем и мы
прилежаще верно Богу, дивный угодниче
Божий Иоанне, яко славяще вопием ти:

Радуйся, претерпевый до конца и достигший
спасения!

Радуйся, пред иконой Богоматери умерети
сподобившийся!

Радуйся, среди гонения неправедного
мужественный веры хранителю!

Радуйся, яко добрый пастырю стаду Твоему,
правлящим иерархом кончину сидяще приемший!

Радуйся, после смерти утешивший паству
чудесным Своим возвращением!

Радуйся, многих чудес подателю к раке Твоей с
верою и любовью притекающим!

Радуйся, Святителю отче наш Иоанне,
последних времен Чудотворче!

Кондак 9

Все естество ангельское возхождением Твоея души в небесныя обители возрадовалось, мы же удивляясь Твоим чудесем на земли, действием Святаго Духа являемым, воспеваем Богу: Аллилуиа!

Икос 9

Ветии многовещанныя не возмогут извеци крепость святого жития твоего, о, праведне отче Иоанне, неизреченнаго Бога святилище. О, дивное явление Божие нашему маловерному времени, немолчно прославляем тя, вопиющи таковая:

Радуйся, Божественных повелений палата!

Радуйся, малое и слабое ангельских обителей вместителище!

Радуйся, лестнице, еюже удобно восходим на небеса!

Радуйся, лечебница всякия недуги скоро врачующая!

Радуйся, молитвеннаго подвига тайное хранилище!

Радуйся, светлоукрашенный храм Духа Святого!

Радуйся, Святителю наш Иоанне, последних времен Чудотворче!

Кондак 10

Спасти хотя мир, иже всех Спаситель новаго святого послал еси нам. Тем через Него из темных глубин греха воззвал еси нас. Слышаше ты, нас к покаянию взывающе, Преблаженне отче Иоанне, мы, в добродетели убогия, взываем сице к Богу: Аллилуиа!

Икос 10

Стена еси всем прибегающим к Твоему небесному заступничеству, отче Иоанне, тем же и нам от демонскаго ополчения ограждай, от недугов, напастей и нужд различных освобождай, с верой к Тебе взывающих:

Радуйся, ослепших прозрение!

Радуйся, силою молитвы жизнь на смертном одре сущим подающий!

Радуйся от мятежа и брани соблюдаяй!

Радуйся, спасительная влага погибающих в огне печали орошающая!

Радуйся, одиноких и оставленных отеческое заступление!

Радуйся, святой Учителю ищущих истину!

Радуйся, Святителю отче Иоанне, последних времен Чудотворче!

Кондак 11

Пение непрестанное ко Пресвятой Троице, Преблаженне отче Иоанне, мыслию, речию и доброделанием принес еси: многим разумением истинной Веры повеления уяснил еси, верою, надеждою и любовью наставляя нас в Троице Единому Богу воспевати: Аллилуиа!

Икос 11

Светодательный светильник Православия сущим во мраке невежества явился еси, стада Христова добрый пастырю. Тако и по успении Твоем являеши истину неведущим ея, души верных просвещающе, вопиющим ти таковая:

Радуйся, просвещение мудрости Божией сущим в неверии!

Радуйся, радуга тихой радости кротких!

Радуйся, громе, устрашающий во грехе упорствующих!

Радуйся, молние, ереси пожигающая!

Радуйся, одождие догматов Православия!

Радуйся, орошение Богомыслия!

Радуйся, Святителю отче наш Иоанне,
последних времен Чудотворче!

Кондак 12

Благодать, данную ти от Бога изливающуюся
ведающе: сию с благоговением и благодарностью
восприимем, к заступлению Твоему чудному
притекающе, О, всехвальне отче Иоанне, Твоя
чудеса прославляя, взываем к Богу: Аллилуиа!

Икос 12

Поюще хвалу Богу, в Тебе кротком и смиренном
рабе дивно бо прославися, падшему и
безверному миру явися, ничтоже сотворшему
равного дарованию чудес твоих. Ими же
удивляющися, со святыми кланяемся и
почитаем тя:

Радуйся, новая праведности звезда на
небосклоне возсиявшая!

Радуйся, новый пророче, от воцарения зла нас
избавляющий!

Радуйся, новый Ионе, о гибели
пророчествующий от греха!

Радуйся, новый Крестителю, призывай всех к
молитве и покаянию!

Радуйся, Новый Павле, тяготы проповеди Евангелия понесший!

Радуйся, новый апостоле, светлое веры проповедание!

Радуйся, Святителю отче Иоанне, последних времен Чудотворче!

Кондак 13

О, Пресветлый и Предивный Угодниче Божий, Святителю отче наш Иоанне, утешение всех в скорбех сущих, нынешнее наше молитвенное прими приношение да Господа умоли от геены избавитесь нам Богоприятным Твоим ходатайством, ибо сам по смерти изрек: «Скажите народу, хотя я и умер, но я жив»: Аллилуиа! (Этот кондак читается трижды).

Затем

Молитва

О, Святителю отче наш Иоанне, Пастырю добрый и тайновидец душ человеческих. Ныне у Престола Божия за нас молишия, яко же и сам посмертне изрек: «Хотя я и умер — но я ЖИВ!». Умоли Всещедраго Бога прощение нам во гресех даровати, до смело воспрянем духом и уныние сего мира отряхнем и Богу возопием о даровании нам смирения и Богодухновения,

Богосознания и духа благочестия на всяких путях жизни нашея. Яко милостивый сиропитатель и опытный путеводитель на земле бывший, ныне буди нам вождем Моисеевым и в смутах церковных всеобъемлющее Христово вразумление. Услыши стенания смущенных юношей нашего лихолентия, обуреваемых беснованием вселукавым и отряхни лень уныния изнемогающих пастырей от натисков духа мира сего и томящихся в оцепенение праздном. Да слезно вопием ти, о теплый молитвенниче, посети нас сирых, во тьме страстей утопающих, ждущих твоего отеческаго наставления, да озаримся светом невечерним, идеже Ты пребываеши и молишися за чад твоих, по лицу вселенныя рассеянных, но любовьию слабою к свету все же тянущихся, идеже свет Христос Господь наш пребывает, Ему же честь и держава ныне и присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**